

**Ўзбекистон Республикаси Вазирлар Маҳкамаси ҳузуридаги  
ОАКда 2022 йил биринчи ярим йиллик якунлари бўйича амалга  
оширилган ишлар натижалари тўғрисида  
МАЪЛУМОТ**

**1. Молиявий-иқтисодий кўрсаткичларнинг бажарилиши.** 2022 йил 1-ярим йиллик якунлари бўйича бюджет смета харажатлари 1370,5 млн. сўм (2021 йилнинг шу даврида 1220,9 млн. млн. сўм, 112,3%) миқдорида тасдиқланиб, тўлиқ молиялаштирилди ва маблағлар мақсадли ўзлаштирилди. ОАК бўйича иш ҳақи тасдиқланган смета харажатлари асосида 924,4 млн. сўм (694,9 млн. сўм, 133,0%) миқдорида молиялаштирилиб, тўловлар тўлиқ амалга оширилди. Иш ҳақи ва нафақалар бўйича тўловлар тўлиқ амалга оширилди.

**2. Ҳажмий кўрсаткичларнинг бажарилиши.** Ҳисобот даврида самарадорлик кўрсаткичлари илмий даражалар бўйича **103 фоиз** ва илмий унвонлар бўйича **117 фоиз** даражасида бажарилди. Шу даврда **1297** нафар талабгор илмий даражаларда (фан доктори (DSc) – 133, фалсафа доктори (PhD) – 1164) ва **967** нафар талабгор илмий унвонларда (161 нафар – профессор, 75 нафар катта илмий ходим, 731 нафар доцент) тасдиқланди.

**3. Инвестиция дастурининг бажарилиши.** Инвестиция дастури йўқ.

**4. Ўзбекистон Республикаси Президентининг фармонлари, қарорлари, кўрсатмалари ва Вазирлар Маҳкамасининг қарори ва топшириқларининг ижроси таъминланди, жумладан:**

**а) Ўзбекистон Республикаси Президентининг 2021 йил 24 июлдаги ПФ-6269-сон ҳамда 2022 йил 20 апрелдаги ПФ-113-сон фармонлари** ижроси бўйича Вазирлар Маҳкамасининг “Хорижий давлатларда илмий даражалар олганлик тўғрисидаги ҳужжатларни тан олиш тартибини такомиллаштириш ва давлат хизматини кўрсатишдан фойдаланиш имкониятларини кенгайтириш тўғрисида”ги қарори лойиҳаси ишлаб чиқилиб, ўрнатилган тартибда манфаатдор вазирлик ва идоралар билан Норматив-ҳуқуқий ҳужжатлар лойиҳаларини ишлаб чиқиш ва келишишнинг ягона электрон тизими орқали (ID 61300) келишилган, норматив-ҳуқуқий ҳужжатлар лойиҳалари муҳокамаси порталига (<https://regulation.gov.uz/uz/d/62184>) жамоатчилик муҳокамасига (ID 62184) жойлаштирилган. Вазирлар Маҳкамасининг “Хорижий давлатларда илмий даражалар олганлик тўғрисидаги ҳужжатларни тан олиш тартибини такомиллаштириш ва давлат хизматини кўрсатишдан фойдаланиш имкониятларини кенгайтириш тўғрисида”ги қарори лойиҳаси ўрнатилган тартибда Вазирлар маҳкамасига тақдим этилди (25.06.2022 й.).

**б) Ўзбекистон Республикаси Президентининг 2021 йил 24 июлдаги ПФ-6269-сон «Давлат хизматлари кўрсатиш инфратузилмасини такомиллаштириш ва аҳолининг давлат хизматларидан фойдаланиш имкониятларини кенгайтириш чора-тадбирлари тўғрисида»ги фармони** ижроси бўйича олий таълимдан кейинги таълим соҳасида давлат хизматларини кўрсатиш имкониятларини кенгайтириш ва соҳага оид аттестация жараёнларини давлат хизматларини кўрсатиш миллий тизими билан интеграциялашни ривожлантириш мақсадида Вазирлар Маҳкамасининг “Илмий даражалар ва илмий унвонлар бўйича давлат намунасидаги ҳужжатларни тақдим этиш бўйича давлат хизматини кўрсатишнинг маъмурий

регламентини тасдиқлаш тўғрисида”ги қарори лойиҳаси ишлаб чиқилиб, ўрнатилган тартибда манфаатдор вазирлик ва идоралар билан Норматив-ҳуқуқий ҳужжатлар лойиҳаларини ишлаб чиқиш ва келишишнинг ягона электрон тизими орқали (ID 59520) келишилди ҳамда норматив-ҳуқуқий ҳужжатлар лойиҳалари муҳокамаси порталига (<https://regulation.gov.uz/uz/d/61180>) жамоатчилик муҳокамасига (ID 61180) жойлаштирилди. Мазкур қарор лойиҳаси ҳуқуқий экспертизадан ўтказиш учун Адлия вазирлигига киритилди (30.06.2022 й.);

**в) Ўзбекистон Республикаси Президентининг 2022 йил 28 январдаги ПФ-60-сон “2022-2026 йилларга мўлжалланган Янги Ўзбекистоннинг тараққиёт стратегияси тўғрисида”ги Фармони** ижроси юзасидан ОАК бўйича буйруқ имзоланиб (№13, 31.01.2022 й.), чора-тадбирлар режаси ишлаб чиқилди. Фармон билан тасдиқланган Давлат дастурида белгиланган вазифалар ижросини ташкил қилиш мақсадида ишчи гуруҳи таркиби тасдиқланди.

Давлат дастурида белгиланган вазифаларнинг ижросини таъминлашда ОАК ўз ваколати доирасида тааллуқлилиги бўйича, жумладан уруғчилик ва кўчат етиштириш бўйича миллий дастурни амалга ошириш, соҳада фаолият кўрсатадиган илмий муассасалар ва уруғчилик хўжаликлари салоҳиятини мустаҳкамлаш, кадрлар тайёрлаш, қайта тайёрлаш ва малакасини ошириш юзасидан халқаро ташкилотлар билан ҳамкорликни мустаҳкамлаш ва экспертларни жалб қилиш бўйича меъёрий-ҳуқуқий ҳужжат лойиҳасини ишлаб чиқишда мутасадди вазирлик ва идоралар билан биргаликда тегишли илмий-ташкилий ишларни амалга оширмоқда. Шунингдек, Давлат дастурида белгиланган давлат органлари ходимлари ва аҳоли ўртасида ташкил этиладиган турли оммавий спорт тадбирларида имкониятдан келиб чиққан ҳолда ОАК ходимлари иштирокини таъминлаш бўйича ходимлар орасида соғлом турмуш тарзини тарғибот қилиш ишлари олиб борилмоқда;

**г) Ўзбекистон Республикаси Президентининг 2022 йил 30 майдаги “Ўзбекистон Республикаси сейсмик хавфсизлигини таъминлаш тизимини такомиллаштириш чора-тадбирлари тўғрисида”ги ПФ-144-сон Фармони** ижроси юзасидан буйруқ имзоланиб (№52, 31.05.2022 й.), чора-тадбирлар режаси ишлаб чиқилди ва ишчи гуруҳи таркиби тасдиқланди.

ОАК Раёсатининг 2022 йил 30 июндаги 319/5-сон қарори билан: 1) олий малакали илмий ва илмий-педагог кадрлар ихтисосликлари рўйхатидаги 01.02.03—«Грунтлар ва тоғ жинслари механикаси» ва 05.09.02—«Асослар, пойдевор ва ер ости иншоотлари. Кўприк ва транспорт тоннеллари. Йўллар, метрополитенлар» ихтисосликлари негизида «Геотехника» ихтисослиги (физика-математика фанлари, техника фанлари) тасдиқланиб, мазкур ихтисослик олий малакали илмий ва илмий-педагог кадрлар ихтисосликлари рўйхатига 05.09.02 рақами билан киритилди (05.09.02— «Геотехника» (физика-математика фанлари, техника фанлари)); 2) олий малакали илмий ва илмий-педагог кадрлар ихтисосликлари рўйхатига 05.10.03— «Сейсмик хавфсизлик» (техника фанлари) ихтисослиги киритилди.

**5. Бошқа устувор йўналишлар бўйича амалга оширилган ишлар:**

**а) Ўзбекистон Республикаси Президентининг 2022 йил 26 апрелдаги ПҚ-221-сон “Интеллектуал мулк соҳасини янада ривожлантиришга оид**

**қўшимча чора-тадбирлари тўғрисида”ги Қарори** ижроси юзасидан ОАК бўйича буйруқ имзоланиб (№42; 29.04.2022 й.), чора-тадбирлар режаси ишлаб чиқилди. Қарор 2-илоvasи билан тасдиқланган “Йўл харитаси” 21-банди ижроси, муаллифлик ҳуқуқларини ҳимоя қилиш, шу жумладан кўчирмачиликка (плагиат) қарши аёвсиз курашиш мақсадида зарурий чора-тадбирларни мутасадди вазирлик ва идоралар билан биргаликда амалга оширишга ОАК Бош илмий котиби (А.Шермухамедов) ва Рақамлаштириш бўйича раис ўринбосари (ж/а) (З.Таджиходжаев) масъул этиб белгиланди. Топшириқ ижроси бўйича муаллифлик ҳуқуқларини ҳимоя қилиш, шу жумладан кўчирмачиликка (плагиат) қарши аёвсиз курашиш мақсадида зарурий чора-тадбирларни амалга ошириш, бунда таълим тизимининг барча бўғинлари ва босқичларида ёш авлодни ўзганинг интеллектуал фаолияти натижаларига ҳурмат билан қараш руҳида тарбиялаш; таълим жараёнида ўқувчи-талабаларнинг топшириқларни бир-биридан кўчиришнинг (плагиатнинг) олдини олишга қаратилган замонавий ёндашувларни амалиётга жорий қилиш; ўқувчи-талабаларнинг назорат ишлари, битирув ишлари, илмий ва бошқа ишлар бўйича кўчирмачиликни (плагиатни) аниқлашга қаратилган дастур ёрдамида мунтазам текшириш тартибини жорий қилиш; илмий ишлар ва диссертацияларни ҳимоя қилишда ва ундан олдинги барча босқичларда кўчирмачиликка (плагиатга) қарши экспертизадан ўтказиш тартибларини такомиллаштириш; кўчирмачиликка (плагиатга) йўл қўйган шахсларга нисбатан бундай ҳатти-ҳаракатларни такрорламасликлари учун таъсирчан чоралар кўришларни назарда тутувчи норматив-ҳуқуқий ҳужжат лойиҳасини ишлаб чиқишда ОАК ўз ваколати доирасида мутасадди вазирлик ва идоралар билан биргаликда тегишли ишларни амалга оширмоқда (масъуллар: Таълим сифатини назорат қилиш давлат инспекцияси, ОАК, ХТВ, ОЎМТВ, Инновацион ривожланиш вазирлиги). Бир вақтнинг ўзида матнни бир қанча тилларга (ўзбек, рус, инглиз ва ҳ.к.) таржима қилган ҳолда плагиат ҳолатини аниқлаш имконини берувчи янги дастурий таъминот амалиётга жорий қилинди.

**б) Ўзбекистон Республикаси Президентининг 2022 йил 7 майдаги ПҚ-237-сон “Халқаро қишлоқ хўжалиги университетини ташкил қилиш чора-тадбирлари тўғрисида”ги Қарори** ижроси юзасидан ОАК бўйича буйруқ имзоланиб (№43; 7.05.2022 й.), чора-тадбирлар режаси ишлаб чиқилди ва ишчи гуруҳи таркиби тасдиқланди. Қарор 12-банди ижроси, жумладан 2023 йил 1 январдан бошлаб Университет илмий салоҳиятини ошириш учун белгиланган тартибда ихтисослашган илмий кенгаш тузиш бўйича тегишли ишларини мутасадди вазирликлар (Қишлоқ хўжалиги вазирлиги, Инновацион ривожланиш вазирлиги) билан биргаликда амалга оширишга ОАК Бош илмий котиби (А.Шермухамедов) ва йўналиш бўйича бош инспектор (У.Абдурахманов) масъул этиб белгиланди. Бунда илмий даражалар берувчи илмий кенгаш аъзоларининг 50 фоизи халқаро ҳамкорлар ва хорижий ватандошлар орасидан танланишини ташкил этиш кўзда тутилган (муддат: 2023 йил 1 январь). Мазкур топшириқ ижроси бўйича мақсадли чора-тадбирлар ҳамкорликда амалга оширилмоқда.

**в) Ўзбекистон Республикаси Президентининг 2022 йил 11 майдаги ПҚ-240-сон “Давлат бошқаруви соҳасида коррупциявий хавф-хатарларни бартараф этиш механизмларини такомиллаштириш ва ушбу соҳада**

**жамоатчилик иштирокини кенгайтириш чора-тадбирлари тўғрисида”ги Қарори** ижроси юзасидан ОАК бўйича буйруқ имзоланиб (№45; 12.05.2022 й.), чора-тадбирлар режаси ишлаб чиқилди. Давлат ҳокимияти ва бошқаруви органлари фаолиятида коррупциявий хавф-хатарларни аниқлаш ва баҳолаш бўйича “Е-Антикоррупция” лойиҳасининг ишга туширилиши маълумот ва ижро учун қабул қилинди. 2022 йилнинг 1 сентябридан бошлаб тегишли маълумотларнинг ушбу тизимга киритилиб борилиши таъминланади. ОАКда вакант лавозимларни эълон қилишдан тортиб, танлов ўтказиш ва ишга қабул қилиш натижалари бўйича хужжатларни расмийлаштиришгача бўлган жараёнларни тўлиқ электрон тарзда амалга ошириш; таркибий тузилма, штатлар, лавозимлар ва ходимлар тўғрисидаги маълумотларни ягона электрон базага жамлаган ҳолда ахборотни тўплаш ва унга ишлов бериш; кадрларга оид иш юритиш хужжатларини электрон рақамли имзо билан тасдиқлаган ҳолда фақат тизим орқали электрон шаклда қабул қилиш ва юритиш; ходимларнинг иш фаолияти самрадорлигини автоматик баҳолаш ва уларни масофавий ўқитиш; кадрлар бўйича маълумотларнинг электрон архивини юритиш бўйича ишлар амалга оширилмоқда.

**д) Ўзбекистон Республикаси Вазирлар Маҳкамасининг 2022 йил 26 апрелдаги 199-Ф фармойиши** ижро учун қабул қилиниб, буйруқ имзоланди ва чора-тадбирлар режаси ишлаб чиқилди. Фармойиш ижроси юзасидан 2022 йилнинг 30 апрель куни “Маҳалла ободлиги – юрт фаровонлиги” ободонлаштириш ва кўкламзорлаштириш умумхалқ хайрия ҳашарининг ўтказилиши муносабати билан мазкур хайрия ҳашарини ташкил этиш бўйича ОАКда Ишчи гуруҳ йиғилиши ўтказилиб, муайян вазифалар масъул ходимларга юклатилди. Жорий йилнинг 30 апрель куни ҳашар ташкил этилиб, ҳудудни ободонлаштириш ишлари амалга оширилди. ОАК ходимларининг ўз ҳоҳишига биноан бир кунлик иш ҳақи Республика “Маҳалла” хайрия жамоат фондига 1 163 643 сўм миқдоридаги маблағ ўтказилди.

**Ижро интизомини мустаҳкамлаш бўйича тегишли ишлар амалга оширилиб**, юқори ташкилотлардан келиб тушган хужжатлар ижроси тўлиқ таъминланди ҳамда жисмоний ва юридик шахсларнинг барча мурожаатларига ўз вақтида жавоб берилди.

Ҳисобот даврида тегишли норматив-ҳуқуқий хужжатларда ОАКга юклатилган вазифаларнинг ижроси таъминланди.

Шу даврда юқори ташкилотлардан **95** (174 та, 54,5%) та хужжат келиб тушиб, белгиланган топшириқларнинг ижроси тўлиқ таъминланди.

Жисмоний ва юридик шахсларнинг **36** (116 та, 31%) та жумладан **4** (5 та, 80%) та оғзаки ҳамда **32** (111 та, 28,8%) та ёзма мурожаатлари ҳисобга олинди. Барча мурожаатларга ўз вақтида жавоб берилди.

**6. Соҳа бўйича мавжуд камчилик ва муаммолар, уларни бартараф этиш юзасидан таклифлар.**

**Мавжуд камчилик ва муаммолар:** 1) ОАК фаолиятини такомиллаштириш ва айрим функцияларини жойларга бериш; 2) илмий унвонлар ва илмий даражаларда мустақил тасдиқлаш ҳуқуқини ОТМ/ИТМларга босқичма-босқич бериб бориш; 3) аттестация талабларининг ягоналигини таъминлаш.

*Уларни бартараф этиш юзасидан таклифлар:* 1) ОАК фаолиятини такомиллаштириш бўйича тегишли топшириқлар ижросини таъминлаш; 2) диссертациялар сифати ва самарадорлигини янада ошириш ҳамда аттестация талабларининг ягоналигини таъминлаш юзасидан низом талабларига тўла риоя қилинишини ташкил қилиш.

**2022 йилда амалга оширилиши режалаштирилган устувор вазифалар.**

1) Аттестация талабларининг ягоналигини таъминлаш; 2) Ўзбекистон Республикаси Президенти фармонлари, қарорлари, топшириқлари ва Вазирлар Маҳкамасининг ҳужжатларида белгиланган вазифалар ижросини таъминлаш; 3) олий малакали илмий ва илмий-педагог кадрлар аттестациясига оид низомларнинг янги таҳририни ишлаб чиқиб, амалиётга жорий қилиш.